

學詩毛鄭異同籤

學詩毛鄭異同錢卷八

武 寧 學 生 張 汝 霖

百堵皆作傳一丈爲板五板爲堵箋云春秋傳曰五板爲堵五堵爲雉七長三丈則板六尺正義釋傳曰板堵之數經無其事毛氏以義言耳五板爲堵自是公羊傳文公羊在毛氏之後非其所據五板爲堵謂累五板也板廣二尺故周禮說一堵之牆長丈高一丈是板廣二尺也正義釋箋曰傳以一丈爲板鄭欲

易之故引傳文而証板之長短春秋傳曰五板爲堵
五堵爲雉定十二年公羊傳文也公羊雖非正典其
言傳諸先達故鄭據之以破毛也言五堵爲雉謂接
五堵成一雉旣引其文約出其義故云雉長三丈則
板六尺也雉長三丈經亦無文故周禮說雉高一丈
長二丈韓詩說八尺爲板五板爲堵五堵爲雉何休
注云公羊取韓詩傳云堵四十尺雉二百尺以板長
八尺接五板而爲堵接五堵而爲雉也二說不同故

鄭駁其義辨之云左氏傳說鄭莊公第段居京城蔡仲曰都城過百雉國之害也先王之制大都不過三國之一中五之一小九之一今京不度非制也古之雉制書傳各不得其詳今以左氏說鄭伯之城方五里積千五百步也大都三國之一則五百步也五百步爲百雉則知雉五步五步於度長三丈則雉長三丈也雉之子是定可知矣是鄭計雉所據之文也王愆期註公羊云諸儒皆以爲雉長三丈堵長一丈疑

五誤爲三如是大通諸儒唯與鄭板六尺不合耳

板雉堵之制說者紛七毛傳及古周禮左氏說皆謂一丈爲板公羊說及許慎五經異義戴禮韓詩皆謂八尺爲板杜氏鄭氏皆謂六尺爲板竊以爲欲求板宜先論步欲論步宜先定尺七定而諸說可通矣王制云古者以周尺八尺爲步今以周尺六尺四寸爲步鄭注周尺之數未詳聞也按禮制周猶以十寸爲尺蓋六國時多變亂法度或言周

尺八寸則步更爲八八六十四寸正義曰玉人職
云鎮圭尺有二寸桓圭九寸是周猶以十寸爲尺
也今經云以周尺六尺四寸爲步乃是六十四寸
則謂周八寸爲尺也故云蓋六國時多變亂法度
或言周尺八寸也詳此則周初之一尺至六國時
止得六寸四分矣細思之則鄭之此注亦未當其
云周猶以十寸爲尺者以正義推之大抵是礙于
桓圭九寸之語有所謂九寸明非八寸爲尺矣昔

八寸爲尺則植圭當云尺有一寸不得云九寸耳
以今推之其實周十寸之尺極短止得六寸四分
大約所謂八寸之尺是以十分爲寸而八寸爲尺
所謂十寸之尺是以八分爲寸而十寸爲尺如大
升小升大斗小斗之等名雖異而實仍同也漢章
帝時得玉律以爲尺與周尺同因鑄爲銅尺頒之
郡國謂之漢官尺今世所傳慮虓銅尺章帝建初
中物也以累黍法較之得今尺六寸四分以布指

法較之何休云布亦得今尺六寸四分是其証矣
尺以是爲定而後可求之于步伸臂八尺爲尋舉
足八尺爲步故王制云古者八尺爲步八尺爲六
尺四寸禮記云六尺四寸爲步而司馬法曰一舉
足曰跬七三尺兩舉足曰步七六尺儀禮注云中
人之跡尺有二寸爲武五武爲步七六尺言步者
已有兩說而要以六尺四寸者爲近是然則韓詩
謂八尺爲板者八寸之尺毛詩謂一丈爲板者八

尺之丈實而計之止是六尺四寸鄭說六尺爲板
較之韓詩毛詩止不及四寸所主論步之說各殊
非長短迥別也鄭氏引都城爲辨亦止能爭此四
寸地耳且城制難考古之所傳每多歧說考工記
云匠人營國方九里差之則上公七里侯伯五里
子男三里興命上公九命侯伯七命子男五命其
國家宮室車旗衣服禮儀皆以命數爲節鄭注國
家國之所居謂城方也上公之城蓋方九里侯伯

之城蓋方七里子男之城蓋方五里以文王有聲

詩箋差之與典命合

箋云方十里曰成築豐饒之
城大小適與成偶大于諸侯

孫奭彼箋正義略云鄭注典命云公之城蓋方

九里侯伯之城蓋方七里子男之城蓋方五里坊

記注云子男之城方五里皆以公城九里爲差則

天子之城十二里矣異義駁云鄭伯之城方五里

不以侯伯爲五里者鄭兩解以匠人典命俱是正

文故不敢執定典命注每言蓋匠人注云正王國

若邦國者皆爲疑辭以見二途之意也然則城制
雖鄭氏蓋亦不得而明焉而據城以斷板以與我
毛公爭此四寸之地也抑獨何哉

賁然來思傳賁飾也箋云易卦曰山下有火賁上黃
白色也正義釋箋曰賁卦離下艮上艮爲山爲石離
爲火故言山下有火以火照山之石故黃白色也

按賁六四云賁如皤如白馬翰如上九云白賁皤
白色也翰白色也上九又明言白賁則不得爲黃

白色矣何說之鑿耶

不可與明傳不可與明夫婦之道箋云明當爲盟也信也正義釋箋曰若是明夫婦之道其明與否夫獨爲之非婦所當共故知字誤當作盟也

板毛意蓋言不可與之明究夫婦之道明者猶開導昭雪之意我與明而彼不悟故言不可與明孔氏以明爲明悉之明也之義屬之夫是失體毛公指婦人與其夫明究之義矣孔氏左袒康成往往

于疏語詳略之間上下其手讀者不可不審也
無相猶矣傳猶道也箋云猶當作瘡亡病也正義
猶道釋詁文箋以相猶與相好對文言無相猶矣當
謂無相惡之事若相責以道未是傷義賊恩雖無此
事未足多善不當舉以爲詠也角弓曰不令兄弟交
相爲瘡則相病是兄弟之惡事猶瘡聲相近故知字
誤也言詬置相病害也

棲父也克壯其猶傳猶道也箋云猶謀也正義釋

經曰能光大其軍謀之道又曰毛爲猶道鄭以爲
猶謀軍之道亦謀也然則謀與道義相近而同也
此所云無相猶如言無相圖謀耳正義釋傳云無
相責以相道責以道于恩無乖遂與相好之義不
協孔氏意欲從猶當作瘡之解故于釋箋特詳釋
傳之語并非毛意取泛然聲韻相近之字以改經
縱千百其詞不已失古人之旨耶

似續妣祖傳似嗣也箋云似讀如己午之已上續妣

祖者謂巳成其宮廟也正義曰箋以似續同義不須
重文故似讀爲巳午之巳巳與午比辰故連言之直
讀爲巳不云字誤則古者似巳字同於穆不已師從
異讀是字同之驗也周禮左宗廟在雉門外之左門
當午地則廟當巳地也謂旣在巳地而續立其妣祖
之廟然後營宮室故云謂巳成其宮廟也

按此段正義乖誤百出不惟背棄毛意亦且誣失
鄭旨考吳才老韻補古巳午之巳亦讀如巳矣之

巳漢書律曆志振美于辰巳盛于巳史記巳者言
陽氣之巳盛也鄭元賈孔子告之曰起巳今年歲
在辰明年歲在巳淮南子才指巳巳則生物巳定
也說文巳巳也四月陽氣已出陰氣已藏萬物見
成文章故巳爲虬象形釋名巳巳也陽氣必布巳
也又廣而推之其証愈廣五經亥字起從辰巳之
巳白虎通太陽見于巳巳者物必起晉書樂志四
月之辰謂之巳巳者起也物至此時畢盡而起也

詩江有汜亦讀爲已釋名水決復入爲汜七已也
如山有所爲畢已復還而入也以享以祀亦讀爲
已說文祀祭無已也从示已聲公羊傳何休注言
祀者無已長久之辭釋名商曰祀七已也新氣升
故氣已也宋毛晃曰陽氣生于子終于巳七者終
巳也象陽氣既極回復之形故又爲終巳之義今
人以辰巳之巳讀爲士音誤矣又以與巳同何以
古或作何巳七來古或作以來說文以從反巳漢

書作曰檀弓注云以巳字又與似同易明夷曰
箕子以之文王以之鄭氏荀氏本皆作似維天之
命篇於穆不已孟仲子讀作似似从人以聲讀亦
與矣之正非讀後似續妣祖箋云似讀如巳午之
巳謂巳成其宮廟讀如巳午之巳者隨取一字以
證其音非訓此字也如周禮會五采玉璫注云璫
讀如薄借綦之綦但言璫讀綦非訓璫爲綦履之
綦也云巳成其宮廟者鄭意固讀巳午之巳爲巳

矣之已謂既已陸續創成其妣祖之廟也孔氏謂
已與午比辰而不解已成爲既已續成是孔氏不
知已午之已可讀爲已矣之已此音之失也云在
已地續立宮廟是又謂鄭氏直以已午之已訓經
之似字而不知鄭但取其音而不取其訓也此義
之失也至其依託鄭氏詆毀毛公更爲無謂其釋
箋云箋以似續同義不須重文案良耜以似以續
傳云以似以續嗣前歲也續往事也箋云嗣前歲

緒末後有豐年也續往事者復以養人也正義曰
以似以續似則爲嗣續卽是繼俱爲繼前之言此
之似續與彼同鄭之異訓者過也而孔氏云似續
同義不須重文豈徒順之又從爲之辭亦誣之甚
矣正義又云於穆不已師徒異讀按維天之命篇
正義曰趙岐云孟仲子孟子從昆弟學于孟子者
出諸云孟仲子者子思弟子蓋與孟軻共事子思
後學于孟軻者孟諸孟子生于周烈王四年距孔

子之卒一百八年子思逮事孔子則孟子斷不得
受業于子思之門子思弟子之孟仲子亦不得爲
孟子同時之孟仲子也正義先共事後從學之說
亦誤

君子攸芋傳芋大也箋云芋當作幬匕覆也正義曰
讀如亂如此幬以聲相近故誤耳幬覆也鄭以義言
之爾雅無此訓也

檟爾雅釋詁文則幬仍爲大雖攸芋爲幬而幬覆

之義終出杜撰音近之字不知幾何稍相疑似輒謂可改則全經皆可疑矣何惑之甚哉

如矢斯棘傳棘稜廉也箋云棘戟如人挾弓矢戟其肘正義釋傳曰言稜廉則指矢鏃之角爲棘焉蓋古有此名正義釋箋云古語謂棘爲戟故明堂位曰越棘大弓隱十一年左傳曰子都拔棘皆戟也言如人挾弓矢戟其肘者謂射者左手附之而右手彎之則戟其肘謂右手之肘亦喻室外之廉隅也

按鳥之章章之飛皆卽物取象則矢斯棘言如矢
之稜廉耳亦卽物取象也鄭氏以棘爲戟面云如
人挾矢戟其肘是如射矣非如矢也且戟爲戈戟
戟其手義甚迂曲難曉正義云亦喻室外之廉隅
則仍不得外毛傳稜廉之訓矣抑詩維德之隅傳
隅廉也箋云如宮室之制內有繩直則外有廉隅
正義曰此以屋之外角喻人之外貌曰其繩則
直是內有繩直斯干曰如矢斯棘是外有廉隅亦

引從毛義則此從可知矣

有覺其楹傳有覺言高大也箋云覺直也正義曰覺之爲訓爲大爲直故禮記注云覺大也直也傳以屋之爲美在于高大箋以柱之爲善貴于調直故異訓樓抑詩有覺德行傳覺直也箋云有大德行正義曰釋詁云楹較直也與覺字異音同是覺之義有直有大本得兼也正義謂傳以屋之美在于高大屋之所以高大者柱之爲之也毛以爲直字不足

以盡柱之美故申言高大耳

噲也其正噦也其寔傳正長也寔幼也箋云噲也猶
快也正晝也噦也猶燭也寔夜也言居之晝日
則快也然夜則燭也然皆寬明之貌正義釋傳曰正
長釋詁文寔幼釋言文王肅云宣王之臣長者寬博
噲也然小者閑習噦也然傳意或然而本或作寔幼
者爾雅亦或作窈孫炎曰寔深闇之窈也某氏曰詩
曰噦也其寔爲寔窈于義實安但于正長之義不允

故據王注爲毛說寘所以得爲幼者郭璞曰幼穉者
冥昧也正義釋箋曰箋以此說宮室之形狀庭櫺之
平直不得有長幼之義故以正爲畫寘爲夜

按此傳甚質王肅所述差可解然不如鄭箋之指
言宮室者爲當但以正爲畫未知所出

載衣之裳載弄之璋傳裳下之飾也璋臣之職也箋
云裳畫日衣也衣以裳者明當主于外事玩以璋者
欲其比德焉正以璋者明成之有漸正義釋傳曰裳

下之飾易文言也不縻賜有絳裳爲下飾以璋配裳故
知見臣之職也正義釋箋曰以下載衣之褐是夜
卧之衣故知裳畫白衣也一晝一夜明取內外爲義
君子於玉比德焉故知以璋欲其比德也玉不用珪
而用璋者明成人之有漸璋是珪之半故言漸也

按裳較于衣則裳卑故云裳下之飾明譬臣象也
裳較于褐則尊裳故裳以衣男裳尊而褐卑璋貴
而瓦賤明男女貴賤尊卑之別矣若第取書日之

衣則衣之爲類甚多何以獨取諸裳鄭氏解寢之
牀寢之地亦曰尊之卑之則毛傳尊卑之義鄭亦
竊嘗從之矣可知傳義自確但外事內事之說非
爲無理此等異同不足爲毛鄭較也

無非無儀傳婦人質無威儀箋云儀善也婦人無所
專于家事有非也婦人也有善亦非婦人也正義釋
傳曰以婦人少所交接故云質無威儀謂無如丈夫
折旋揖讓樣匕之多其婦容之儀則有之矣故東山

日九十其儀言多也正義釋箋曰儀善釋詁文言有
非有善皆非婦人之事者婦人從人者也家事統于
尊善惡非婦人之所有不謂婦人之行無善惡也

按東山詩九十其儀自是承上文親結其禱而言
卽指結禱時之儀彼箋亦云父母旣戒之庶母又
申之九十其儀喻丁寧之多不得以例平居也若
平居則折旋揖讓不如丈夫棟宇之多矣內言不
川地道無成卽此質無威儀而不敢以善自見之

意亦隱亡可知矣易曰无攸遂在中饋吉毛鄭之
說義歸于一原也

學詩毛鄭異同籤卷九

武 監 學 生 張 汝 霖

有實其猗傳實滿猗長也箋云猗倚也言南山既高峻又以草木平滿其旁倚之猗谷使之齊均也

核詩之言猗者夥矣未有訓爲倚者毛傳之說非有失誤而任意改訓不可從也

維周之氏傳氏本也箋云氏當作桎鐻之桎正義曰孝經鉤命決云孝道者萬世之桎鐻說文云桎車鐻

也。川桎是鎔之別名耳。以鎔能制車喻大臣能制國。故以太師之官爲周之桎鎔也。易傳者以天子爲周之本。謂臣爲本則于義不允。故易之

桎氏古邛抵。史記酷吏傳大抵作大氏。抵通邛。宋玉風賦邛萐葉而振之。注邛與抵同。爾雅釋天云天根氏也。孫炎曰角亢下繫于氏。若木之有根。爾雅釋器云邛謂之抵。鄭注云桎本蓋後人用爲根。抵字則加木用爲抵。拒字則加才用爲卽。旌字則

曰毛傳云氏本其爲古義可知鄭氏絕無依據
如矯枉之極已無謂矣正義又言天子爲周之
本謂臣爲本則干義不允獨不記文王篇所云維
周之禎者乎

弗躬弗親四句傳庶民之言不可信勿罔上而行也
箋云仕察也勿當作未此言王之政不躬而親之則
恩澤不信于衆民矣不問而察之則下民未罔其上
矣正義釋傳曰君民之所相信者由君親行政民親

受教故得相信也今王不親爲政委任小人施政于民不以實告故庶民之言亦不以實也勿者禁止之辭既言民不可信因責其之欺罔故云勿得罔上而行上卽經之君子也正義釋箋曰箋以此篇主刺在上非責民之辭故知勿當爲未也知躬親爲恩澤者以王身所爲而行于衆民唯恩澤耳且上章疾尹氏貪暴以致災故知躬親爲恩澤也易傳者以疾尹氏使王親之明欲令王施政以及下不宜言其不可信

也。是言庶民不信于王，其文自明，不當橫加不可。故
易之旨未罔其上者，謂若不問察，則明不燭下下之
善惡。上所不知，下民知，上不知，則未畧歎罔其上而
不畏之言。躬親施其恩澤，問察亦須躬親，互相明也。
按此亦正義失毛旨也。毛意蓋謂君若弗躬爲之，
弗親行之，則庶民之言不可信矣。弗問之弗察之，
則或將罔上以行矣。勿可以罔上而行也。勿罔上
而行者，猶書所云罔遠道以干百姓之譽是也。非

謂民罔其上也鄭氏解弗躬弗親二句甚好解弗
問弗仕二句極不可曉正義申鄭云下民知上不
知則未略欺罔其上而不畏之亦復不甚明賜不
知以君子對下小人而妄離其說蓋詰經若是之
難也

覆忒其正傳正長也箋云不懲止女之邪心而反怨
憎其正也正義曰正長釋詁文此傳甚略王肅述之
曰覆猶背也師尹不定其心邪僻妄行故下民背怨

其長今據烏毛說

按毛傳過于賈略王肅所述未知當毛意與否鄭
之此箋極好可從也

父母生我胡俾我瘡不自我先不自我後傳父母謂
文武也我乚天下箋云天使父母生我何故不長遂
我而使遭此暴虐之政而瘡此何不出我之前居
我之後正義釋傳曰以文武受命爲明王作萬民父
母以尚書曰天將有立民父母謂天子作民父母民

弱則宜告之人以父母爲文武也文武爲天下父母
故我七天下作者舉天下之心爲之怨刺不專爲已
故謂天下爲我也正義釋箋曰上言念我獨今因此
而告天是先訴已身未及論天下也文王雖受命之
王年世已人遇今時之虐政訴上世之哲民非人情
也故知天訴使父母生我也上章言王急酷故此病
遭暴虐之政而病也以所願不宜願免之而已乃云
不自我先不自我後忠恕者已所不欲勿施于人况

以爲政推于先後非父祖則子孫是窮苦之情苟欲
免身

按毛公以此章語氣皆繫傷時憂世之心所託非
專言一身故上而溯之文武遠而推之天下然鄭
氏此箋亦謂父母生我之語得近易解不必遠而
極之文武天下耳若正義釋箋之說則爲太過竊
欲爲毛公解嘲焉孔氏云遇今時之虐政訴上世
之哲民非人情也此過也有免言我生之初召旻

言昔先王受命唐邛之詩不自我先不自我後與
此語同而亦云無忝皇祖式救爾後豈得謂不可
祈上世之哲民乎

民之無辜並其臣僕傳古者有罪不入于刑則役之
園土以爲臣僕箋云辜罪也人之尊卑有十等僕第
九臺第十言王旣刑殺無辜並及其家之賤者不止
所罪而已書曰越茲麗刑以制正義釋傳曰此解名
罪人爲臣僕之意也王肅云今之王者好陷人人罪

無辜下至于臣僕言用刑趣重傳意當然也正義釋
箋曰箋以言命其臣僕故云竝也並其臣僕謂其私
家之臣故云王既刑殺無罪乃並及其家之賤者不
止于所罪而已易傳者以臣僕非罪人之名經言並
其臣僕不言以爲臣僕且幽王暴虐乃殺戮無辜豈
但不至于罪以爲臣僕而已故易之

按周禮冬官目錄罪隸百有二十人注云盜賊之
家爲奴者釋曰言罪隸古者身有大罪身既從戮

男女緣坐男子入于罪隸女子入于春槩故注云盜賊之家爲奴者也大司寇職云凡害人者寘之園土而施職事焉註施職事以所能役使之周法墨者守門闢者守宮由斯以譚則臣僕止是拘辱之使爲臣僕非必臣僕爲罪人之名也寺人巷伯之等本得稱臣萋斐之詩刺幽而作此宜無罪女反收之亦爲刺幽而作則幽之好虐無辜從可知矣且經言民民安得更更有臣僕經言民之無辜並

其臣僕若止言民及其臣僕皆無有罪過是無從
見至之虐也正義又謂並其臣僕謂私家之臣大
夫然後稱私家民何得稱私家也

既克有定靡人弗勝傳勝乘也箋云王既能有所定
尚德事之小者爾無人而不勝言凡人所定皆勝王
也正義曰此傳甚畧王述之云既有所定皆乘陵人
之事言殘虐也今據爲毛說孫毓云小人好爲小善
矜能自矜以爲大功其所成就細碎小事凡人所勝

而過者反以驕人是詩所刺幽王也若乘陵殘虐之事動則有惡豈得名之爲克有定乎箋義爲長

按王肅述毛之說孫毓駿之甚明竊維王之所述或非毛意經云彼求我則如不我得執我仇仇亦不我力又云乃棄爾輔載輸爾載明刺王不仁賢好于自用也然則毛意當以此爲民之視天者託想主之意中若既能有定矣則無人而不乘變之耶後之所謂曰予聖者是也若以爲王之所定者

細碎小事凡人所定皆勝王止是小功自矜何至
于憚怨如是孫毓謂乘凌之事動則有虐豈得名
之爲克有定高看克有定卽于義不協矣此克有
定者止王心自滿之意如予聖之聖耳何足爲毛
難哉

又籍陰雨傳窘困也箋云窘仍也又將仍爰于陰雨
按窘之爲困其義已舊又窘困于陰雨于經文非
爲失解鄭氏以窘爲仍又字下著一仍字已重贅

馬書三卷卷之三
矣云又仍陰雨則經意反不得顯故鄭亦必干仍
字下添一憂字云又將仍憂于陰雨然後能成其
說此鄭氏狡獪之端也鄭氏所謂憂即毛傳所謂
困也鄭氏所謂仍憂即經所謂又窘也鄭氏欲以
仍訓窘而仍字止申得又字之義陽雖畔而陰必
附之學者不可不察也

彼有旨酒又有嘉穀傳言禮物備也箋云彼上尹氏
太師也洽比其鄰昏姻孔云傳洽合鄰近云施也是

言王者不能親親以及遠箋云云猶友也言尹氏富
與兄弟相親友爲朋黨也正義釋經曰毛以爲言幽
王彼有旨酒矣又有嘉善之般矣禮物甚備足矣唯
知以此禮物協和親比其鄰近之左右與妻黨之昏
姻甚相與周旋而已不能反遠人也鄭以爲彼尹氏
有旨酒又有嘉般會比其鄰近兄弟及昏姻相與親
友爲朋黨也正義釋箋曰此與上篇非一人所作而
以彼爲尹氏者以尹氏官爲太師上篇刺其專政則

幽王之臣奢富朋黨者唯尹氏耳故知彼彼尹氏也
正義釋傳曰傳解昏姻相親乃是美事而以爲刺者
言幽王惟知親比鄰近昏姻而已不能以此親比之
情而及于遠人故王肅云言王但以和比其鄰近左
右與昏姻其親友而已不能親親以及遠

按此詩意主刺幽而作通首無刺尹之言雖尹氏
專政不得以意斷彼爲彼尹氏也且前章彼求我
則句箋云彼彼王也前章可以彼王而此之彼則

爲彼尹氏豈王獨不可有旨酒嘉穀乎豈王獨不
可有昏姻鄰近乎斯亦過矣又傳言王者不能親
親以及遠蓋言旨酒嘉穀宜于洽比姻鄰經陳之
者刺王不能耳正義謂刺王親比而不能及遠似
非毛旨夫王者之鄰則四鄰諸侯也王者之昏姻
則甥舅之國也王者之洽比則懷柔之政也行葦
伐木之詩洽比其鄰而已矣八簋肥腍之設昏姻
孔云而已矣王者之政不是過也傳言王者不能

親親以及遠非言王者親親而不能及遠也詩之
陳善政以刺今不然者甚多正義釋傳反王肅述
毛之說恐非傳旨

凡今之無祿天天是極傳君天之在位極之箋云民
于今而無祿者天以薦瘥天殺之是王者之政又復
極破之言遇害甚也正義釋傳曰毛以天斥王者故
爲君天之日既爲君故極爲在位也正義釋箋曰箋
以天是蒙殺之辭宜天之所爲故云天以薦瘥天殺

之天既爲天則桷爲王者故云王者又桷破之謂農
時而從厚歛其財人以財盡猶桷使破壞然桷如桷
杙之桷打之也

校正義謂毛以天天斥王者其實前章視天夢夢
二句箋亦以天斥王者矣但鄭欲于此自立其說
而不從毛耳然以經求之則毛義自得上言有屋
有穀民今無榱皆指君與在位寵貴小人培克民
下之事未嘗及于天之薦蹇也若指繁霜之變則

雖是咎徵未必繁霜遂天殺百姓幽王之時天非
不譴瘥但恐非此句之意耳

十月之交詩序十月之交大夫刺幽王也箋云當爲
刺厲王作訃訓傳時移其篇第因改之耳節彼刺師
尹不平亂靡有定此篇譏皇父擅恣日月告凶正月
惡褒姒滅周此篇疾艷妻煽方處又幽王時司徒乃
鄭桓公友非此篇之所云番也是以知然正義曰毛
以爲刺幽王鄭以爲刺厲王經八章皆刺王之辭此

下及小宛序皆刺幽王鄭以爲本刺厲王毛氏移之事既失違不審實然以否縱其實然毛既移其篇第改厲爲幽卽以爲幽王說之故下傳曰艷妻褒姒是爲幽王之事則四篇皆如之今各從其家而爲之義不復強爲與奪

按十月之交之爲刺幽王詩決然無疑考之于經考之于史考之于麻考之于先儒皆有可据而鄭氏以爲刺厲王之詩且謂毛公作訓故時竊移其

第孔氏作正義云各從其家而爲之義不復強爲
與奪其實孔氏私意欲主鄭說而鄭氏于是駸
乎有逼亂毛傳之勢矣因即孔與鄭之說而詳之
而知孔氏之所以駁傳者適所以自駁而傳義終
不可易也考之于經前後皆刺幽王之詩則孫毓
謂毛公無緣橫改之言是也前章云褒姒滅周此
章云艷妻方處前章云正月繁霜此章云日月告
凶皆經之確然者也然經之所陳得曲說以別解

之則考之于經未足也進而考之于史通鑑前編
載幽王六年十月朔日有食之與經合此一大証
經之前後真僞所關此句定而耶說者不得作矣
然史之所紀孔氏又引王基之說謂共和以來當
幽王世無周十月夏八月欲以此會爲共和之前
則考之于史未足也進而考之于厯大衍厯日蝕
議云詩十月之交虞廟以厯推之在幽王六年開
元厯定交分四萬三千四百二十九入食限加時

在畫此一大証也非惟虞劇唐道士傅仁均僧一行皆步得幽王六年乙丑歲十月建酉朔日辛卯辰時日有食之此又一大証也上而推之于厲王之世無十月日食此又一大証也先儒之說于此爲詳而孔氏多爲鄭箋作說請條而辯之

一正義曰節刺師尹不平亂靡有定此篇譏曰皇父擅恣日月告凶專國家之權任天下之責不得並時而有二人彼是幽王知此非幽王也

桉兩無正經云發言盈庭誰敢執其咎明罷而擅
權者多無嫌于並時而有二人也又譜正義引皇
甫謚云二年褒人以褒似自贖時卽與虢石父比
而譜申后太子尹氏及祭公導王爲非云云謚言
與史記相終始則幽王之惡自三年之後爲漸上
則尹氏之爲太師先于皇父之爲卿士亦可
且如皇甫謚所言尹氏祭公虢石父已并時而有
三人專權者矣又不必疑于並時二人也又前正

月篇云具曰予聖此章云皇父孔聖其所譏者相
同正月爲幽王詩則此亦幽王詩矣

一正義曰正月惡褒姒威周此篇疾豔妻煽方處敵
夫曰事王無二后褒姒是幽王所嬖豔妻非幽王之
后毛以豔妻爲褒姒美色曰豔則褒姒豔妻爲一鄭
必別人者以詩論天子之后非如曲說邪淫不當以
色名之

按古者婦有四德而容其一也說苑引書五事一

曰貌貌者男子之所以恭敬婦人之所以姣好也
碩人美莊姜至于纖悉盡致如賦洛神莊姜亦國
母也未嘗不稱其色也詩云爰及姜女孟子引之
爲太王好色則賢妃亦得稱其色也史言紂寵妲
己秦誓陳之以爲沈湎月色則淫后尤稱其色矣
何所爲曲說邪淫乎

一正義曰中侯曰剡者配姬以放賢剡艷古今字耳
以剡對姬剡爲其姓以此知非褒姒也中侯擿離貳

曰昌受符厲倡髮期十之世權在相又曰剡者配姬
以叙賢山崩水潰納小人家伯罔主異載震旣言昌
受符爲王命之始卽云期十之世自文數之至厲王
除文王爲十世也剡與家伯與此篇事同山崩水潰
卽此篇百川沸騰山冢萃崩是也如此中候之文亦
可以明此爲厲王但緯候之書人或不信故卽不引
之

按緯候之書鄭所不引孔氏亦不敢本以斷經則

其不可信固不待明辨已然人或守之不可不破
其惑使厲王有剡后如此之惡詩何以不言剡妻
上之番聚蹶樗皆氏也何以絕不一用古字舉人
之姓而用古字詩無此例其非一也艷剡之爲古
今字于書傳無徵艷之爲姓亦所未聞漢書谷永
傳云閭妻驕扇通之于閭則得姓而又孔氏所不
引則非其意矣謂艷爲姓其非二也厲王之子宜
王宜王之舅申伯未聞有豳后崧高正義謂艷妻

無子姜氏生宣王止自護之說耳其非三也艷后
如此其亂何以除豔妻一語外絕無記載孤文無
据依託續書其非四也要之据續侯之書則經義
之不咸者幾希昔歐陽公欲取九經之疏刪去譏
緯之文使學者不爲怪異所惑亂然後經義純一
旨哉斯言矣

一正義曰鄭語云幽王八年桓公爲司徒此篇云番
維司徒一官不得二人爲之故又云幽王時司徒乃

鄭桓公友爲之非此篇之所云番是以知之言由此知幽當爲厲也鄭桓公幽王八年始爲司徒知非代番爲之者以番爲司徒在艷妻方盛之時則艷旣爲后番始爲司徒鄭語說桓公旣爲司徒方問史伯史伯乃說褒姒之事其末云竟以爲后則桓公初爲司徒褒姒仍未爲后以此知桓公不得與番相代也凡例別嫌明微以本文爲主故鄭先以詩上下按之後乃言鄭桓公也

按天子之制后而下八十一御妻妻之名非施之
后則經言艷妻不必褒姒已爲后幽王三年已嬖
褒姒至八年桓公始爲司徒自三至八凡六年之
久可容番與桓公二人相代正義引鄭語謂史伯
說褒姒之事其末云竟以爲后國語并無其文惟
史記有之史記云褒人有罪請入童妾所棄女子
于王以贖罪棄女子出于褒是爲褒姒當幽王三
年王之後宮見而愛之生子伯服竟廢申后及太

予以褒姒爲后伯服爲太子若國語所說史伯對桓公云棄聘后而立內妾好鰥固也後云褒人褒姒有獄而以爲入于王王遂置之而嬖是女也使至于爲后而生伯服天之生此也以矣其爲毒也大矣則桓公爲司徒時褒姒早已爲后孔氏引國語而云桓公初爲司徒褒姒仍未爲后未免疏失之矣鄭氏私意欲以嬖妻爲剗后則不得不以妻爲敵夫之稱而無暇顧周禮禮記春秋各處訓天

子御妻之說矣孔氏承其意而爲之辭抑亦過矣
一正義引孫毓曰竊以褒姒龍齒之妖所生褒人養
而獻之無有私黨皇父以下七子之親而令在位若
此之盛也又尙書緯說黜妻謂厲王之婦不斥褒姒
又西無正有周宗旣滅靡所止戾之言若是幽王旣
爲犬戎所殺則無刺昔王尙存不得謂之旣滅下句
言正大夫離居莫知我勸莫肯風夜莫肯朝夕庶曰
式滅褒姒爲惡之言鄭箋皆謂厲王流于彘之于後

義爲安是其言雖不能決而其意謂鄭爲長也

按詩之所陳止言其內外姦邪同惡相濟固非謂
七子爲褒姒之黨其以七子爲艷妻之戚者自鄭
氏之說非經意也卽如孫毓所說若謂褒姒出于
非類無有族親則妖淫之后苟欲自植私黨何所
不能初不必卽其族親也信緯以艷妻爲剡后剡
后亦未聞有祖父以下七子之親而又何辨焉若
據周宗旣滅爲說則正月繁霜列在兩無正之前

彼章云赫亡宗周褒姒威之傳云威滅也有褒國之女幽王惑焉而以爲后詩人知其必滅周也正義曰於時宗周未滅詩人明得失之迹見微知著以褒姒淫知其必滅周也則兩無正之言周宗既滅又不足疑也况周宗之訓毛意常不與鄭同也或曰周宗之與宗周如周京之與京周一而已矣毛不得異訓旣滅之與威之微有別矣又不得例視曰子主厲王之說請卽以厲王論厲王至三十

七年流彘桑柔之詩芮伯所以刺厲王也作于厲
王王三十五年而曰滅我立王憂深思遠悚以危
言亦止是甚其詞以爲諷刺之意孟子曰周餘黎
民靡有子遺信斯言也是周無黎民也若据正大
夫離居爲說則厲王居彘之時共和行政君子美
之通鑑前編曰賴諸大臣彌縫其間王室不墜卒
立宣王則莫肯夙夜莫肯朝夕之言殆亦虐矣要
之詩未明言刺幽刺厲各持一說必有一二處偶

然相符得實其說而後其說始作呂覽過理曰亡國之主一貫厲又惡蹟未必大異于幽如十月之交日有食之艷妻嬭方處之等確乎可信爲幽者尙得展轉以通之于厲又何論其他矣正月之篇刺幽王者幸已明言褒姒耳若亦用豔妻等字則所云民之訛言民之無辜似于厲王之監謗殺言者矣天天是極苛矣富人似于厲王之好利近榮公矣以此知讀經者不可輕疑古人不可輕信今

人也

一正義曰若如鄭言此詩爲平公所移四篇容可在此今韓詩亦在此者詩體本是歌誦口相傳授遺秦滅學之後衆儒不知其次齊韓之徒以詩經而爲章句與毛異耳非有壁中書本可得憑據或見毛次于此故同之焉不然韓詩次第不知誰爲之也

按毛不及齊魯韓三家之學皆有師承雖口相授受章句各別而大次不乖非如今人之口愴恍無

憑顛之倒之安由已意也韓詩次第與毛詩同正
可十此駭毛公之決非移經而改義矣若并此而
疑之則六經之可信者又有幾乎孔氏云或見毛
次于此故同之又云不然韓詩次第不知誰爲之
悠七之誦難乎議經矣

一百川沸騰山冢峯崩正義曰周語云國王三年西
周三川皆震伯陽父曰周將亡矣昔伊洛竭而夏亡
河竭而商亡今周若二代季之其川源必塞必竭夫

國必依山川崩川竭亡國之徵是歲三川竭此言
百川沸騰與彼三川震不同也何者此有沸出相乘
水盛漫溢而已非震之類也彼幽王之時云若二代
之季若厲王時已百川皆震不當違此二代之末以
此知沸騰非震也彼云三川震此云百川沸又知此
詩非幽王時也鄭以爲當刺厲王于義實安

按三川之震周語已有明徵韋昭注云三川涇渭
也出於岐山震動也地震故川亦動沸騰矣震

何如之則云沸騰非震不可也又云彼言三川震
此言百川沸知此詩非幽王時無論三川之水支
派別派不知幾何三川震則百川之皆震可知卽
并無百川之震而一云三川一云百川亦不害其
爲幽王時詩周語之紀三川記國家之災異須舉
其重大有名者言之岐山之與三川所謂名山大
川也此而震不可不書之書之而其他可略也詩
之言百川者甚亂之辭言百川亦未嘗不多不少

恰滿百川之號如三川之有成數也執此等字以
難經通形其說而已矣又云此言百川沸騰與三
川震不同何者此有沸出相乘水盛潏溢而已非
震之類不知國語固先言川震而後言川竭由震
而沸騰涌出由涌出而川崩之土又填塞之故至
于竭詩人見川之震時已咏其沸騰不至竭時而
始言其震也又言國語云若二代之季若厲王時
已百川皆震不當遠比二代之末則孔氏固自駁

矣厲王時未聞川震又何嘗聞百川沸騰昭幽王之川震詩與國語相符而不之信厲王之川沸毫無根據而謂鄭說於義實安何耶

奇矣能言巧言如流俾躬處休俾奇可也可矣世所謂能言也巧言從俗如水轉流箋云巧猶善也謂以事類風切剴微之言如水之流忽然而過故不悖逆使身舌安休也然亂世之言順說爲上正義曰人雖正直性有巧拙表記云辭欲巧是正言亦欲巧但人

有不能耳知非佞巧者若耶佞之巧則自得志非徒聽可矣傳云從俗如轉流言從俗明亦謂賢人與鄭同也

按巧言如流與巧言如簧同彼巧言云顏厚此巧言從可知矣詩意是言賢者有德拙于言而見病佞者無德長于辭而處休云哥矣云哀哉是賢不肖相對言之如哥矣富人哀此幾獨是貧富相對言之耳傳言巧言從俗如水轉流正狀其如流之

醜鄙之之情于此可見而孔氏謂毛亦以巧言爲
賢人與鄭同是未審毛意也夫賢者之處亂世默
足以容故詩曰既明且哲以保其身不幸而居言
位有危行言孫而已矣吾聞孫言以救時未聞巧
言以從俗者也孔氏又引表記之文爲證表記等
篇自出漢儒之手巧言鮮仁曾經聖人之斥或信
或不信固已可異已且表記所云言欲巧七字自
當作考古文攷與巧近而相亂耳聖人之言必不

若是

曰父母且箋云始者言其且爲民之父母音義曰且徐七餘反協句應爾觀箋意宜七也反正義曰毛以爲大夫傷諺而本之故言悠七我心憂思呼昊天而訢之也王之始者言曰我當且爲民之父母也

按狂且傳云且辭也此章且字音義謂觀箋意宜七也反則以且爲方且之且而非辭矣毛意必不以且爲方且而孔氏引鄭說以爲毛義已非傳旨

又云皆以且爲辭并失箋意矣

壹者之來云何其肝箋云肝病也極其情求其意終
不得一者之來見我于女亦何病乎正義曰毛於下
章以祇爲病言使我病是使蘇公之病則此肝亦爲
蘇公之病也毛以此云何其肝與下俾我祇也互文
皆言云何而使我有罪病也鄭以肝爲何人病爲異
壹者之來俾我祇也傳祇病也箋云祇安也一者之
來見我我則知之是使我心安也

按此傳實略孔氏直以經言俾我祇也我爲蘇公
自我而傳訓祇爲病則病是蘇公病此病屬蘇公
則云何其肝傳雖不言誰病亦當爲蘇公病不得
與鄭同也私竊以爲毛意或不應爾知然者以云
何其肝傳我祇也語氣已不相類解經者因文立
義各不相同不得以一例也始則言何爲逝我衆
平適川攪亂我心而已繼則言此一者之來于爾
亦何所病繼又言女來而我心說也不來而善我

與否終難知也爲此一者之來而使我心病也爲
此一來之故使我心病言憂思之極與我心易也
之句初不相礙如女心悲止征夫歸止思其歸而
悲也鄭氏訓祗爲安徵爲毛異解云何其肝其是
可從毛既無傳下必強毛而使異于鄭也

豈不爾受既其女遷傳遷去也箋云遷之言訓也王
倉卒豈將不受女言乎已則亦將復訓訓女正義曰
鄭以遷爲訓言王將訓誨女以遷去爲理不安故易

之

校遷訓爲去匕者夫其位故也謫放曰遷書云何
遷乎有苗此遷字是也不得謂於理未安鄭以爲
訕謗訕謗字固非上所以施于下且訕謗之言多
非其實君言譖人之惡苟是其實則不得謂之訕
謗苟非其實則雖謗訕亦非譖人之所畏經言旣
其女遷者所以悚懼之若非其所畏何足以悚懼
之哉